

欽定盛京通志卷之八十七

孝義

三國魏

晉

遼

金

元

明

國朝

欽定盛京通志

卷八十七

目錄

一

欽定盛京通志卷之八十七

孝義

臣等謹案聖王教孝以重倫明義以訓俗是以表厥宅里樹之風聲

盛京風俗醇厚

聲教所先前史孝義著聞若魏之王簡遼之耶律安圖其可謂敦行不怠慕義無窮者歟金元迄明代有可稱我

朝崇起教化扶植綱常其孝義著稱者可以光前

可以勸後謹志孝義第二十六

欽定盛京通志卷之八十七

孝義

三國魏

王簡。元菟郡高顯縣民也。吏民叛。令長熙為賊所殺。簡負熙喪。星夜行。致本州。魏正元二年。詔以簡忠節可嘉。特拜為忠節都尉。以旌殊行。

晉

李信。襄平人。父敏。避公孫度。將家屬浮於海。不知所終。信出塞徧求不得。越二十年不娶。欲行

欽定盛京通志

卷八十七 孝義

一

喪制服。則疑父尚存。遂欲終不聘娶。燕國徐邈責之曰。不孝莫大於無後。可終身不娶乎。乃娶妻生子。屏遠房帷。常如居喪之禮。悲鬱數年而卒。子宣伯。生不識父母。及長。蔬食哀戚。恒如居三年之喪。以父祖皆不知存歿。設木主事之。詳

見本志人物卷

按三國志公孫度傳裴松子註云敏將家入海而復與子相

失未詳其故或舊史有誤姑存之以志闕疑

遼

耶律安圖。父迪里。因建言立東丹王。被誅。安圖



張寶錦州人。四世同居。道宗嘉之。令其子爲三班祇候。

〔金〕

耶律安禮。系出約尼氏。幼孤。事母以孝。聞天眷。初從元帥於山西。遭母喪。冒大暑。挽柩行千里。餘哀毀骨立。天德間。歷工部尙書。被詔鞫韓王亨獄。白無反狀。海陵怒。再遣李老僧殺亨於獄。海陵將伐宋。安禮密諫。忤海陵意。罷爲南京留守。安禮嘗從帥府。再伐宋。寶貨人口。一無所取。

欽定盛京通志

卷八十七 孝義

三

時議賢之。

國語約尼全也。原作遙輦。今譯改原。

盧亨嗣。字繼祖。臨潢人。彥倫之孫也。初由祖廕得官。以課最。遷至定遠大將軍。莒州刺史。與弟亨益盡友愛之道。大定十六年。父璣爲同知宣徽院。當廕。子亨嗣以讓弟。弟早卒。子煒煒幼稚。乃悉以舊業田宅奴畜與之。

翟異。貴德州人。章宗明昌元年。詔賜絹十疋。以旌其孝行。

劉慶祐。錦州人。有孝行。明昌三年。詔賜慶祐絹

粟旌門閭復其身。

舒穆嚕元字希明。懿州路人。七歲喪父。號泣不食者數日。年十三。居母喪如成人。嘗爲擊鞠戲。馬蹠。歎曰。生無兄弟。而數乘此險。適有不測。奈何。由是終身不復爲之。補樞密院尙書省譯史。遷監察御史。同知淄川軍州事。歷知濟南府。卒。生平寡言笑。尙節儉。居官自守。不交權要。人以是稱之。舒穆嚕八旗改姓。原作石抹。今譯。

趙仁榮。忠愍公炳之子。炳爲郭琮郭叔雲所害。

欽定盛京通志

卷八十七孝義

四

詳見人物傳

事發。琮叔雲皆伏誅。命籍其家以付

仁榮。仁榮曰。父爲所害。不共載天之讐。且所蓄之物。皆取於民。何忍受之。帝乃別賜鈔二萬二千五百緡。使治喪具。仁榮後仕至中書平章政事。

完顏鼎。一名色埒默。字國器。完顏彝之從兄也。年二十。以善戰知名。貞祐中。彝爲元兵所虜。母留豐州。鼎事之甚謹。彝在北。大帥甚愛之。歲餘。托以省母乞還。大帥以卒監之。至豐。鼎乃與彝

劫殺監卒。奉彝母南奔。既而失馬。載以鹿車。兄弟共挽南渡河。宣宗奇之。鼎以世官。授都統。未幾行壽泗元帥府事。以彝自隨。軍中事。彝皆得預。鼎病。軍中李大和與方城鎮防軍葛宜翁相毆。訴於彝。彝知宜翁事不直。量笞之。宜翁死。其妻訟之官。彝久繫獄。鼎入朝。哀宗怪其瘦。問卿寧以方城獄未決故耶。吾令赦之矣。未幾。鼎卒。上聞。使馳赦彝曰。有司奏汝以私忿殺人。汝兄死。失吾一名將。今以汝兄故。曲法赦汝。他日汝奮發立功名。始知我不妄赦矣。彝後卒。爲良將。死于難。卷色 塚原 作默 國語 今解 見忠 節

謹按金史。如完顏蘇塚。史稱其居喪廬墓。至孝昭然。因其死節。已載入忠節門。是卷不更臚載。謹附識其孝行於卷。

〔元〕

舒穆魯昌齡。興中人。性至孝。以廬墓特旌。舒穆魯八

旗今姓 原改 作石

張洪範。北京人。親喪。廬墓三年。詔旌之。

郭全。遼陽人。幼喪母。哀戚如成人。及壯。父廷玉又卒。倚廬三載。啜粥面墨。事繼母唐古氏孝。繼母生四子皆幼。全躬耕奉養。四子既長。娶婦。各求分析。全不能止。凡田廬器物。皆取朽敝者。奉繼母甘旨無乏。唐古氏卒。全年六十餘。哀毀廬墓。詔旌其門。

孫秀實。大寧人。性剛毅。喜周人急。里中王仲和常託秀實貸富人鈔二千。貧不能償。逃去數年。其親思之成疾。秀實日饋米薪存問。又爲代償。

取券還其親。後命奴訪仲和使歸。父子歡聚。聞者莫不嗟嘆。又有貸秀實鈔多至數千不能償者。盡以券還之。事聞。詔旌焉。

劉廷讓。大寧人。至順初。北方兵起。遇亂。挈家走避山中。有幼弟方乳。母王氏置於懷。賊追急。廷讓棄其子。一手抱幼弟。一手扶母。疾驅得免。事聞。旌之。

高守質。瀋陽人。事親篤孝。詔旌其門。

明

尙忠。義州人。百戶劉雄部軍。景泰中。敵入犯邊。雄率忠力戰。雄馬中箭死。忠以己馬授之。雄潰圍出。忠亦幸得免。人稱其義烈爲難。

蘭英。蓋州軍人也。成化九年。隨總兵歐信出塞追敵。敵因風縱火軍潰。信馬中箭死。英以馬授信。信乃得出。而英遂遇害。巡撫李貢作碑。表其義。

劉鼎。遼陽人。初喪生母。嫡母姚氏撫之。成化中。任鴻臚序班。姚氏歿。鼎在京師聞訃。奔至葬所。

悲哀廬墓。負土築墳。事聞旌表。

李用。廣寧人。生員。弘治間。母張氏卒。旣葬。廬於墓側。晨昏哭奠。事聞。旌之。

邵義。鐵嶺人。未婚。父母皆亡。義廬墓三年。鄉人憫其孝。勸之娶妻。親迎畢。不入房室。復廬墓三年。

劉定。遼陽人。父玉。任正千戶。以疾卒。定悲哀廬墓。事聞。旌表。

吳裕。廣寧衛人。少孤。母王氏教育之。比長。遊庠。

貢於禮部。會母疾。衣不解帶。藥必先嘗。母卒。裕哀毀慘悴。既殯。廬於墓。朝夕哭泣。三年如一日。後裕仕至和州判官。年八十餘。卒於家。紀喇漢。廣寧衛人。五歲喪母。及長。父聰病篤。思肉。乃割股煎湯以進。父遂愈。六載。乃故廬墓三年。撫臣書孝行。扁以旌其門。

史璠。廣寧衛人。天性和平。樂聽善言。母病。朝夕侍立。病篤。益勤苦。夜不就枕。及母卒。行古喪禮。倚廬中門。絕酒肉。遠帷薄。三年不出。給事中賀

欽作倚廬記表之

文淵。蓋州衛人。居父母喪。哀毀盡禮。先後廬墓六年。仕至陳州知州。高陵呂柟銘其墓。

李光祖。遼陽人。父敏。以學行稱。正德間。敏以疾卒。光祖三日不食。哀毀踰節。比葬。廬墓三年。

程錕。廣寧衛人。太學生。母病。日侍湯藥。夜不解衣。母轉病痢。錕聞醫者言。糞甘滑者不治。錕嘗之。果甘。悲號幾死。母旋卒。值鄰家失火。風急勢迫。錕撫棺號曰。萬一不虞。與母俱焚耳。忽焉風

反火滅人以爲孝感所致。

姜節金州衛人。父早亡。正德間。母周氏病。節日夕拜禱。因獨宿。戒酒肉。密封股和羹。奉母食之。遂愈。至九十餘無恙。

宮守禮。寧遠衛人。生員。性端謹。好古。守禮。父思問病。衣不解帶。藥必親嘗。及卒。廬墓三年。有白雀來巢於廬上。事繼母尤謹。朝夕率妻拜問。繼母初欲改適。感其孝。遂止。與鄉人飲。守禮在坐。少長莫敢誼譁。其風動流俗如此。嘉靖間。守臣上其事。詔旌其門。

朱國禎。廣寧衛人。父歿。居喪盡禮。力營葬事。治墳塋。松楸鬱然。皆手植也。結廬墓側。朝夕哭奠。如初。比終制。羸瘠而死。妻劉氏。艾年守志。撫孤成立。同時節孝並稱。

葉洪。廣寧衛人。幼孤。依母度日。嘉靖間。母病。思食肉。麵餅不能辦。乃傭於人。得麵一升。又苦無肉。遂割股肉以進。母病卽愈。

趙堂。廣寧人。父母先後俱病。甚。堂割股進食。病

咸愈。

王斌。開原衛人。母聞氏久病。無方可療。斌向土神廟祈祝。乃割肋取肝一片。煎湯以進。母食之。病卽愈。斌亦無恙。

周顯時。蓋州衛人。父愛幼子。臨終以三千金私與之。及卒。顯時廬墓三年。終身篤友于之誼。若勿知予金事者。後官至總兵。

李慶。錦州人。官百戶。四世百口同居。慶年百餘歲。人咸重其齒德。同郡張寶亦四世同居。一時

義之

國朝

繆鴻業。海城人。親歿廬墓。知縣王沛恂嘉其孝。書忠孝節義四大字於學宮之壁。而以鴻業廬墓事。註孝字下以獎之。

鐵範金。字式之。承德縣人。性至孝。母疾篤。範金親侍湯藥。衣不解帶。一夕。母忽昏絕。範金以暮夜難於延醫。遂割腕肉以進。母立甦。丁丑。範金成進士。選庶常。授翰林院檢討。尋擢江南學政。

未至卒

祁祖西，正白旗人，素有孝行，母歿廬墓三年。

旌表

康熙五十二年

王瓚，奉天人，事親孝。

旌表

乾隆六年

欽定盛京通志

卷八十七 列女三

十一

欽定盛京通志卷之八十七